

setzten unde das nicht gedechten zcu halten, ouch etzlich die iren dovor verteidigen wolten, das ir sie umbe ubirfarung der saczung nicht straffen dorfft, das ir uns zcu schreiben nicht hett wollen enthalden in zcuversicht, wir wulden uch rat unde beystant thun, domit unser universitet, die ganz geneigt were sich selbist zcu reformiren, widder  
 5 in ire alte unverbesserte gesworne statut kummen mochte. Weiters ynhalts uwers brives haben wir verstanden, unde uns ist woll eyndencke, das wir vor etzlicher zzeit unsiren hern unde frunt zcu Missen in befell gegeben mit unsirr universitet von etzlichen unordnung die doselbist weren zcu reden unde mit uch unde andern die des zcu thun zu verfugen, sulch unordnung wie die die zzeit dargeleget abezuschaffen unde unser  
 10 universitet mit reformiren, in gut ordenlich weßen zcu brengen, unde segen gerne, das ir unde ander die uch in uwirem regement zcu rate zcu gegeben unde den das zcu thun geburt, sulch unordnung die uch von unser wegen die zzeit von unsirem frunde von Missen eroffent nicht alleyne der cleydung, sunder der andern stücke halben ganz abegestalt und ordenung unde reformatio gemacht, die uns zcu eren, den glideren der  
 15 universitet zcu neuen fromen unde zcunemen kom, domitte die glider unßir hoen schule in zcuichtigen lobelichen weßen mochten enthalden werden, wollten uch unde andern die sulch unordnung reformiren, mit rate unde forderung dodurch sulch gut vornemen diste statlicher in weßen gehalten wie wir des ersucht, nicht verlassen. Unde zo ir uns dieihenigen, die sich widder sulch reformatio unde saczung die von uch unde andern  
 20 der universitet zcu gute geschiet sperren unde der nicht halten wolten mit namen verzeichent schicken, wollen wir dieselbigen vorboten ir antwurt vorhoren, wie sie uns denn irs thuns nicht redelich ursache unde entschuldigung wössten zcu bringen mit yn zo vil schaffen sich<sup>a)</sup> . . . . .  
 . . . . .  
 25 noch uch gehorsamlich zcu richten. Geben zu Dreßdenn am sonnabend nach assumptionis Marie virginis anno domini 2c. LXXXII.

Dem wirdiger ern Andreen Wonsidel, meister der freyenn kunste, rector unser hoen schule zcu Lipczk, unserm lieben andechtigen.

## 188.

30 *Die Universität theilt Kurfürst Ernst und Herzog Albrecht mit, daß wiederholte Aufläufe und Irrungen unter den Studenten ausgebrochen seien, und bittet sie um Hülfe und Beistand.*

Leipzig, 1482 Aug. 30.

*Hdschr.: Or. Pap. Hauptstaatsarchiv Dresden Leipziger Händel 1218—1505 loc. 10531 fol. 63 mit auf der Rückseite aufgedrücktem Siegel, welches jedoch bis auf wenige Reste abgefallen ist.*

35 Unser willige untertenige dinst unnd inniges gebet zuvoran. Irlauchte, hochgeborne furstenn, gnedige herren. Nachdem und | der achtbare magister er Andre Frisner

187. a) Die folgende Zeile ist abgeschnitten.